

Hans Hillen ta recorda Mito Croes (dfm) como un amigo, colega politico y Arubiano ehemplar

HOPÍ t'e figuranan di e esfera politico Hulandes cu ta lamenta e perdida fisico di dr. Antonito Gordiano 'Mito' Croes.

Dianan despues di a hib'e na su ultimo lugar di sosiego, ta comparti e testimonio di personahenan renombra cu ta papia di e bida y obra di e gran politico Arubiano.

"Mi a conoce Mito, mi ta kere, un 30 aña pasa tempo cu mi tabata miembro di Tweede Kamer y Mito tabata hopi activo den politica Arubano.

Dor di esey nos mester a atende cu otro, nos a bay bon cu otro; nos a click y for di e tempo ey nos tin, en realidad, no un laso normal, pero un amistad.

Mito, bo por bisa, ta un hende cu ta laga bo, como Hulandes, siña conoce y stima Aruba. Y esey, ta tambe loke a pasa cu mi.

Mito tabata un amigo; mi a comparti hopi cu ne. Durante ultimo añanan, ora cu AVP tabata den oposicion y despues bek den Gobierno, mi a papia y debati hopi cu ne; nos a sinta pensa con politica lo mester ta den proximo añanan, cu un aprecio grandi pa su perspectiva.

E tabata sigur tambe un homber hopi sabi, nos a pasa den asina tanto cos hunto, mi tin asina tanto email di dje cu semper ta caba cu 'Saludos!' y tabata cuminsa cu 'Heer Hans'.

Mi ta bay haya su falta hopi!"

Hillen ta ex-Minister di Defensa den Gabinete Rutte I, como tambe un miembro di Eerste y Tweede Kamer.

